

四庫全書存目叢書編纂委員會編

齊魯書社

四庫全書存目叢書

史部
第二八二冊

責任編輯：孫言誠 賀 偉

ISBN 7-5333-0535-3



787533 305352

四庫全書存目叢書·史部二八二

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

金壇古籍印刷廠印製

787×1092 毫米 16 開本 51 印張

1996 年 8 月第 1 版 1996 年 8 月第 1 次印刷

印數 1—100

ISBN 7-5333-0535-3

Z·37 史部定價：87600 圓

史部第二八二冊目次

史部·史評類

責備餘談二卷附錄一卷

〔明〕方鵬撰
古書流通處影印清乾隆道光間長塘鮑氏刻知不足齋叢書本

..... 一

尚論編二十卷

〔明〕鄒象撰
清華大學圖書館藏明萬曆刻本

..... 五一

帝鑑圖說不分卷

〔明〕張居正 呂調陽撰
山東省圖書館藏清純忠堂刻本

..... 三〇二

新編漢唐通鑑品藻三十卷

〔明〕戴璟撰
中國人民大學圖書館藏明嘉靖十七年西安府刻本

..... 四七一

兩漢解疑二卷

〔明〕唐順之撰
涵芬樓影印清道光十一年六安晁氏木活字學海類編本

..... 七八二

兩晉解疑一卷

〔明〕唐順之撰
涵芬樓影印清道光十一年六安晁氏木活字學海類編本

..... 八〇六

責備餘談二卷附錄一卷

〔明〕方鵬撰

古書流通處影印清乾隆道光間長塘鮑氏
刻知不足齋叢書本

附《四庫全書總目·責備餘談
二卷》提要

責備餘談引

賢知者吾道之所由賴也而孔子論道之不明不行首
歸咎於賢知之過何哉蓋其立言制行足以激頹風勵
敝俗驚動當時而興起後世矣然或不近於人情不合
乎中道者往往載諸典籍學者喜其說之高跡之奇也
而誤效之則其害豈淺淺哉予不自量敢直指而極論
之以自附於春秋責備之意蓋有不得已焉者爾雖然
數其事而責之者其所善者多矣讀者不可以其一言
一行之失而遽忽之也嘉靖丙戌端陽後二日後學方
鵬書

責備餘談引

一知不足齋叢書

責備餘談目錄

卷上

隱公欲讓其弟

叔術讓國爲賢

聲伯收其出母

叔孫昭子祈死

叔姬之喪歸杞

獻子甚愛二叔

宋君兄弟傳國

責備餘談目錄

一 知不足齋叢書

荀息不食其言

急壽兄弟俱死

戲陽速信義

禽息薦賢碎首

雍姬救父殺夫

懷嬴不從夫歸

先軫狼曠死敵

叔向違母娶妻

賈獲舍母載君

子皙昆弟爭室

齊襄復九世讎

申亥殺女殉葬

棄疾不泄君命

子胥鞭平王尸

申生不逃而死

逢伯厚誣微子

莊善辭母赴難

石奢自刎

責備餘談目錄

二 知不足齋叢書

保申管其國君

楚昭功罪均賞

楚昭復其大夫

申鳴棄父殺賊

楚君食菹吞蛭

李離伏劍

程嬰下報宣子

夫子折衷衆論

荆蒯丙死君難

曾哲擊子

公儀去婦拔葵

代國夫人自殺

朱附死君之難

無鹽女四殆

田過父重於君

子方坐見太子

聶政姊自殺

田文不殺舍人

責備餘談目錄

三知不足齋叢書

李牧不受君命

凡汜老而益恭

孔甲死於陳勝

張良學術不正

坑焚黨錮之禍

釋之跪而結襪

徐偃矯制

京房以術殺身

薛廣德諫從橋

丙吉不案吏罪

漢武許贖死罪

王賀陰德

馬援不禮梁松

韓歆不敬

鍾離意不拜賜

朱穆羔羊之節

許武謀舉孝廉

楊政趙壹謁人

責備餘談目錄

四知不足齋叢書

楊王孫命裸葬

郗詵奏劾舉主

戴封禱雨自焚

劉寬蒲鞭示辱

喬元殺子擒盜

荀爽制舉主服

林宗三呵魏昭

呂元膺縱盜

伯敬過於恭慎

陳咸不聽父命

原涉大治冢舍

黃昌故妻復還

吳詠自刎

諸葛瑾仕吳

卷下

袁安不治賊吏

陸抗飲藥不疑

范丹留錢償飯

責備餘談目錄

五知不足齋叢書

邴原重父輕君

郭翻認稻弗爭

趙苞棄母存州

孔褒一門爭死

苟晞殺其昆弟

懷愍君臣遇害

王敦收殺周顗

鄧攸自棄其子

三公自輕

向柳自恃故舊

王式制出母服

時苗去任留犢

周澤禁妻於獄

陳寔益地與鄰

凝之還屐不受

何點不見其妻

竇瑗許子告母

元琰設橋濟盜

責備餘談目錄

六知不足齋叢書

唐璟載書受謫

蕭允不冒逃難

袁滋法外縱舍

公藝忍字百餘

唐賜妻子被誅

守珪不殺祿山

真卿不得其死

陽城兄弟不娶

韓柳文章大家

李晟表薦延賞

成芮誤表李氏

崔湜父子相失

李從璟死難

趙光逢不匿金

王宏呵責選人

郭玉以俸與民

張居翰改詔書

重榮射殺繼母

責備餘談目錄

七知不足齋叢書

范質鼻吸醞醋

龔穎報讎

竇儀兄坐弟立

杜曉布衣自廢

太宗日覽二卷

牟暉失狻擊鼓

李昉追贈父母

出母嫁母加厚

馬遂授杯抵賊

丁謂拂準鬚

范蜀公不喜佛

韓治不忿悍卒

持國叱呼狀元

陳烈投牒公府

聖俞居喪作詩

胡旦春秋編年

蘇氏侮玩伊川

東坡私李方叔

責備餘談目錄

八知不足齋叢書

劉溫叟不聽樂

元祐斥逐小人

趙卞不罷新法

誠敬不如無心

劉易詬詈狄青

富韓優劣

和靖迎佛誦經

宦官之賢

魏公刺客

劉放不欲坐講

無己卻衣凍死

錢宋登廁讀書

何桌請守社稷

張浚劾罷李綱

雷正稱疾而遁

李若水死難

趙汝愚竄死

徐尹闔門俱死

責備餘談目錄

九知不足齋叢書

許崇二公仕元

察罕不疑降人

危素不能死難

責備餘談目錄

責備餘談卷上

崑山 方鵬 著

隱公欲讓其弟

桓之弑隱罪不待言矣然隱有以自取也吾當讓歟則顯授之以慰其願望之心不當讓歟則分封之以絕其覬覦之念夫如是吾知免夫隱則徒有讓之意而無與之之期貪戀而不捨遲疑而不斷小人不勝其欲速富貴之心而鍾巫之難作矣故曰需者事之賊也隱公之謂矣而穀梁氏謂其能輕千乘之國不亦過許乎雖然使桓不弑隱隱實讓桓則隱將退就臣位北面而朝桓乎抑桓奉隱於菟裘率諸廷臣而朝之手國無二君尊無二上必亂之道也吾知其終不可免也夫

叔術讓國爲賢

叔術者邾婁君顏公之弟也公羊曰賢者子孫宜其有地孰爲賢者謂叔術也何賢乎叔術讓國也謹按顏公之女爲魯夫人魯孝公幼顏公使女納賊以弑孝公養母臧氏聞有賊以其子易公抱之以逃賊至湊公寢而弑之魯臣鮑廣父梁買子者聞有賊趨而至臧氏曰公

責備餘談卷上

九知不足齋叢書

不死也吾以吾之于易公矣二臣負孝公訴天子天子誅顏公而立叔術遂以顏公之妻爲夫人顏公有遺腹子曰夏父叔術愛之稍長卽致國於夏父此之謂賢此之謂讓國也夫叔術之立天子之命也終其身焉而舉國授之則善矣乃遽與之不亦擅乎且以臣而妻小君以弟而妻上嫂瀆莫甚焉惡得爲賢耶然則孰爲賢曰養母臧氏也鮑廣父也梁買子也

聲伯收其出母

初聲伯之母旣出適齊管子奚而寡復歸聲伯聲伯嫁

責備餘談卷上

三知不足齋叢書

其外妹爲施氏婦晉卻棼求婚於魯聲伯畏其強也奪施氏婦而與之卻氏亡復歸施氏施氏逆於河沈其二子外妹怒遂與施絕甚哉聲伯之母與其外妹之無恥也爲母者初歸於魯出嫁於齊再歸於魯爲女者初歸於施奪嫁於卻再歸於施母女之無恥如出一轍雖有辭說之美何足道哉且聲伯之母旣出在禮不當養之矣然有母子之情焉猶可言也施氏之婦爲強有力者所奪則夫婦之義絕矣而又逆之不可言也惡在其爲守禮之國乎

叔孫昭子祈死

魯昭公伐季孫意如不克出孫於齊叔孫昭子自宋歸魯恥季孫之見欺憂魯國之日亂也齋於其寢使祝宗祈死七日而死焉胡氏謂其以禮立身而不屈於強國以忠事主而不順於強臣責意如以逐君遂稽顙而悔禍此社稷之衛也是誠然矣至謂使祝宗祈死者知其無可奈何安之於命耳則未然也爲昭子者正當徧告與國求復吾君泣諭國人毋忘故主請盟三家共扶公室鞠躬盡瘁繼之以死此正命也祈死而死非正命也蓋踵范文子之故智而近於匹夫之爲諒矣

責備餘談卷上

三知不足齋叢書

叔姬之喪歸杞

叔姬者魯僖公之女杞伯之夫人也春秋成公五年書杞叔姬來歸被出而歸也九年書杞伯來逆叔姬之喪以歸胡氏以爲本不當出魯人得以義責之使復歸葬於杞也然非禮也夫旣歸之則夫婦之禮成矣且無罪焉是不當出而出也夫旣出之則夫婦之義絕矣而又死焉是不當歸其喪而歸之也死於魯葬於杞將與杞伯同穴乎異穴乎入廟乎不入廟乎杞伯逆之成公與

之皆非禮也然則何如斯可謂之禮歟曰葬於僖公之墓之外垣其斯可以謂之禮矣

獻子甚愛二叔

初穆伯娶聲已生文伯又奔莒娶莒女生二子穆伯卒於外二子來歸文伯之子孟獻子甚愛二叔問於國人或譖之曰二叔將殺子獻子以告二叔曰夫子以愛我聞我以將殺子聞不亦遠於禮乎遠禮不如死於是二叔皆死嗚呼孟獻子魯之賢大夫也二叔但當感泣論辨以明其心而已何至自殺其身以中讒夫之計哉獻子聞譖而告人有所疑也二叔聞言而就死有所歉也皆內不足者也

宋君兄弟傳國

宋宣公舍其子與夷而立穆公知其弟之賢也穆公舍其子馮而立其兄之子與夷所以光昭先君之令德也皆可謂賢矣厥後與夷被弑而馮竟立君子曰宋之禍宣公爲之也子曰是亦穆公有罪焉耳或曰穆公舍己之子立兄之子宜若無罪焉子曰宣公不立與夷未嘗逐之也穆公不立馮則亦已矣而必逐之逐之則亦已

責備餘談卷上

四知不足齋叢書

矣而必曰生無相見死無相哭噫是何言也父子之義絕矣如之何其不生亂也故宋之禍宣公兆之穆公成之或曰弑與夷者督也非馮也子曰馮立不討督又相之則是與聞乎弑矣

荀息不食其言

春秋於弑君之國書及其大夫者三人賢之也何賢乎孔父義形於色也何賢乎仇牧不畏強禦也孔父吾無議焉爾矣仇牧之死不幾於暴虎者乎君弑矣牧當爭號惕厲誓衆灑泣取諸凶人戮之於社獻之於廟不濟而死未晚也撫劍而入及門而死自是投虎口也豈不痛哉至於荀息則吾無取焉爾矣息之於奚齊也苟於父子之親兄弟之懿嫡庶之分反覆陳說以開其蔽誦小弁之怨以動其心述孤竹之節以愧其色斯不負其爲傅矣股肱忠貞孰大於是惜乎息之不及此也當是時也舉國之大夫皆爲太子謀者而息獨黨奚齊以傾太子非所謂棄同卽異是爲離德者乎旣無能改其德又無能免其難曰我不食言以死也豈不謬哉然則何賢乎荀息胡傳備矣

責備餘談卷上

五知不足齋叢書

急壽兄弟俱死

衛宣公蒸於夷姜而生急納乎宣姜而生壽夷姜寵衰宣姜譖急公命急使齊將殺於道壽以告急且勸之行於是乎可以去矣曰父命也卒不去及壽載旌先往且代之死於是乎可以不死矣曰我急也卒死之嗚呼使急不死上可以掩其父之惡下可以成其弟之志不亦善乎慮不及此而惟以死之爲安所謂好仁而愚者也善乎晉大夫語申生曰死而不孝不如逃之至哉言矣或曰然則申生之死非歟曰申生不云乎被弑父之名

責備餘談卷上

六知不足齋叢書

以出入誰納我急則無此名也可以出矣

戲陽速信義

蒯瞶欲殺其母謂其家臣戲陽速曰從我朝少君吾顧汝汝殺之速應曰諾及見三顧速速不應夫人啼而走太子出奔告人口速禍予速曰太子不道吾違之則禍及從之則罪大故諾而不殺吾以信義也嗟乎非也方太子造謀之始苟能涕泣極諫謹勿許之則事或可中止矣速也不然始則依違以諾之非義也終則遲疑以背之非信也此反覆小人之所爲也而顧以信義自許

將誰欺乎

禽息薦賢碎首

史載禽息薦百里奚之賢繆公未聽息出撞其門碎首而死又載衛獻公太子至靈臺蛇遶左輪御者曰太子下拜吾聞蛇遶輪者速得國太子不拜曰吾得國是君失安也伏劍而死又載忠臣宏演爲衛哀公使未還狄人攻哀公殺之盡食其肉而捨其肝宏演使還致命於肝遂剖腹納公之肝而死夫此三者事之有無不可知然揆之於義則薦賢可也碎首不可也不拜可也伏劍不可也返命可也剖腹納肝不可也皆守死而不善道者也

責備餘談卷上

七知不足齋叢書

雍姬救父殺夫

祭仲專公使其壻雍糾殺之雍姬知之謂其母曰父與夫孰親母曰人盡夫也父一而已胡可比焉遂以情告祭仲祭仲殺雍糾雍姬之母於是乎失言矣父一父也夫亦一夫也且奉君之命事不起於夫也救父之難義難絕其夫也君欲殺臣而委其壻壻欲殺其妻之父而告其女母又不察其女發問之意而卒然以荅之皆所

謂謀之不臧不足論也然則雍姬奈何必思所以全其父又思所以保其夫上也不幸父死則死父夫死則死夫次也外此無策矣昔周室大夫仕於周妻淫於鄰大夫歸妻恐覺之置毒藥於酒使婢進焉婢自語曰進之則殺主父告之則殺主母乃僂仆覆酒主父怒而笞之垂死竟不言婢得兩全之策而雍姬顧所不逮也

懷嬴不從夫歸

婦人之爲道也莫尊於君莫親於父莫重於夫此三人者一體相待而成不可偏廢也晉公子重耳亡而過曹

賁餘談卷上

八知不足齋叢書

曹共公侮之其大夫僖負羈之妻曰公子反國必得志於諸侯而誅無禮曹其首也子盍早自貳焉乃饋盤飧且獻璧所以爲其夫謀則善矣而忘其君者也祭仲專公使其婿雍糾殺之雍姬知之歸以告其父祭仲祭仲殺雍糾所以爲其父謀則善矣而忘其夫者也晉太子圉質於秦秦以嬴氏妻之圉將逃歸謂嬴氏曰願與子偕往對曰寡君使婢子侍執巾櫛以固子也從子而歸棄君命也不敢從亦不敢言嗟乎君道也父道也夫道也懷嬴庶幾乎無愧矣

先軫狼曠死敵

殺之役晉襄公獲秦孟明夫人請而釋之大夫先軫曰武夫力而拘諸原婦人暫而免諸國亡無日矣不顧而唾及狄伐晉先軫曰匹夫逞志於君而無討敢不自討乎免胄入狄師死焉初襄公縛秦囚囚呼狼曠斬之公以爲右先軫黜曠其友曰可以死矣曠曰吾未獲死所死而不義非勇也及秦伐晉曠以其屬馳秦師死焉夫二人之死其迹略同其實則異也先軫正諫乎襄公本無罪焉何以自討也其死謬矣狼曠見黜於先軫誠有激焉欲以自効也其死宜矣且先軫死於狄反爲晉師之辱君子以爲有餘罪狼曠死於秦遂致秦師之敗君子以爲有餘功

賁餘談卷上

九知不足齋叢書

叔向違母娶妻

叔向欲娶夏姬之女其母曰不可甚美必有甚惡夫有尤物足以移人叔向懼而止晉平公強使娶之生子伯石遂滅羊舌氏夫自叔向而言則母之命猶君之命皆不可違也自叔向之母而言則君之命重於己之命又不可擅也此叔向所以終娶之也雖然叔向聞夏姬之

女之美其心先有所蔽矣故奉母之命其情逆拂所欲也奉君之命其情順投所好也使叔向果不欲娶謹以母氏之訓爲君誦之則平公亦不強之矣或者叔向欲娶之急借重於君以抗其母亦未可知也起於一念之微而卒致滅族之禍嗚呼可不慎哉

賈獲舍母載君

鄭師入陳陳侯挾其太子偃師奔墓遇司馬桓子曰載余桓子曰將巡城遇大夫賈獲載其母妻下之授公車公曰置而母獲辭曰不祥乃與其妻扶其母以奔墓亦免甚矣賈獲之難處也顧其母必遺其君也奉其君必困其母也且婦人而老力不可徒避難而奔勢不可緩萬一遇鄭師而俘焉冒霧露而疾焉豈非終天之恨哉必不得已附載其母於公車之側己與其妻扶侍而行焉則亦何不祥之有

子皙昆弟爭室

鄭徐吾犯之妹美公孫楚聘之矣公孫黑卽子皙強委禽焉犯告子產子產曰惟所欲與犯召二子於家使女自擇之女曰楚也遂歸於楚黑怒囊甲而往將殺楚而

責備餘談卷上

十知不足齋叢書

奪其妻楚執戈逐之傷黑子產曰均直也然幼凌長賤犯貴罪在楚也數其罪而放之吳夫楚信有罪矣然不能無辭也楚也先聘黑也強之直在楚不在黑也黑也囊甲楚也逐之曲在楚亦在黑也惡得謂之均直耶且子產不能主而曰惟犯所與是國無政也犯又不能主而曰惟女所擇是家無政也惡在其爲爲政耶既而子哲日益驕恣遂謀作亂幸其病而賜之死不然難未已也

齊襄復九世讎

傳曰聖人善善長惡惡短何謂短於其身不於其子孫是也禮謂父之讎不共戴天祖猶父也高曾則差遠矣然猶五服之尊焉至於九世則邈乎遐哉而謂春秋許其復讎何聖人惡惡之長耶且齊襄淫虐無道滅同姓之國夫子之罪人也而謂春秋爲賢者諱齊襄且賢孰不爲賢耶抑哀公之死雖紀侯譖之實夷王誅之也人臣爲天王所誅必求王之左右以爲讎人而必報之其不臣孰甚焉在紀侯之世且不可況數世之後耶由前言之則齊襄無復讎之理由後言之則紀侯無可復之

責備餘談卷上

十二知不足齋叢書

讎皆公羊氏之說之謬也

中亥殺女殉葬

或曰楚靈王乾溪之難衆潰矣其臣中亥曰吾父再奸王命王不誅之惠莫大焉王不可忍惠不可棄乃求王奉之於家數日王縊於中亥氏中亥葬之以二女殉何如可謂仁乎君子曰可以爲忠矣仁則未也夫靈王弑逆無道之主也失國而死葬之則亦已矣而必殺其愛女以殉不仁孰甚焉不忍於其君而忍於其女可謂不善推其所爲者矣楚有詩人不以哀三良者哀二女乎

責備餘談卷上

主知不足齋叢書

秦虎狼之國也楚夷狄之俗也宜乎其君臣若是

棄疾不泄君命

楚大夫子南爲令尹其子棄疾爲康王御王傾而泣曰令尹不能國將討焉棄疾曰泄命重刑吾弗爲也遂不告其父王殺之既葬或曰汝臣王乎棄疾曰棄父事讎吾弗忍也遂縊而死噫嘻過矣父果無罪則從君而請不得則奉父而逃孝之大也亦不害其爲忠父果有罪則王殺之當矣中有隱痛外無怨色敬其其職克蓋父愆忠之至也亦不失其爲孝今也不然始則視其父爲

途人雖死而莫爲之救也終則指其君爲讎人寧死而莫爲之用也不泄君命以爲忠而實成其不孝也不事父讎以爲孝而實見其不忠也是無一而可也

子胥鞭平王尸

平王楚之舊君也伍奢楚之世臣也平王殺奢是以君殺臣爲子胥者可痛也不可讎也可逃也不可報也引兵入郢則亦慘矣出其尸而鞭之不已甚乎然則爲子胥者何處而可曰變其姓名亡之他國以存宗祀其君可事則事之不可事則第約而終身焉斯亦不失爲孝矣忠於吳叛於楚孝於親逆於君其志可矜而其事不可法也

責備餘談卷上

主知不足齋叢書

申生不逃而死

申生之死可哀也既不敢辨以彰母之惡又不敢去以顯父之過是可哀也然吾取其不辨不取其不去其去也當在東山敗狄之初不在醢毒已行之後其失也不在違重耳之言而在拒狐突之請使其敗狄而逃則奚齊得以代其位驪姬得以行其私而獻公安焉獻公安則申生安矣是泰伯之徒也若醢毒之計已行弑逆之

名已著則將焉往哉雖然死之從容言之懇惻其心純乎天理而無人欲之私者也然則中生何止於恭必也仁乎

逢伯厚誣微子

楚克許許男而縛銜璧大夫衰絰士與櫬楚子問諸逢伯逢伯對曰昔武王克殷微子啓如是武王親釋其縛受其璧而被之焚其櫬禮而命之使復其所楚子從之於是逢伯厚誣微子矣而縛請罪也銜璧獻贄也衰絰與櫬期必死也微子抱祭器歸周非降之也果有何罪

責備餘談卷上

古知不足齋叢書

而以死自待耶逢伯欲尊其君爲武王而厚誣微子爲降國之虜蔡氏釋書而遂取其說不亦誤乎

莊善辭母赴難

白公之難楚人有莊善者辭其母將往死之其母曰棄其親而死其君可謂義乎善曰吾聞事君者內其祿而外其身今所以養母者君之祿也身安得無死乎遂辭而行及公門刎頸而死夫人臣急君之難不私其身不顧其家義之正也雖然不可以徒死也善當與諸大夫同心戮力討國之賊復國之君不幸而死忠也幸而不

死以養其母孝也今卒自刎焉無益於國有損於母可謂徒死也已

石奢自刎

楚昭王有臣曰石奢道有殺人者奢追之則其父也奢返於廷曰殺人者臣之父也以父成政非孝也不行君令非忠也遂伏斧鑕請死楚君曰追而不及庸有罪乎子其治事矣奢不聽刎頸而死君子不幸而遭是變則當何如竊負而逃遵海濱而處如孟子所云上也伏鑕就刑以代父死其次也君赦其父併宥其子然後辭爲避位廢爲庶人以養其父而終身焉又其次也惜乎奢之不足以知此也

責備餘談卷上

古知不足齋叢書

保申筭其國君

易曰擊蒙書曰扑作教刑所以教士也非教國君之道也周公之於成王以親則兄之子以分則君也故立亢世子法成王有過伯禽撻焉不敢加於成王也荆文王畋於雲夢三月不反得美姬淫不聽朝保申曰先王卜以臣爲保吉今王有過當筭匍將筭王王曰不穀免於襁褓託於諸侯矣請改過而無筭保申曰臣承先王